



# E čhaveskiri čhib taro ca 6 masek

## Hari baši tle čhaveskiri čhib taro šov masek

- Tumare čhave isi but buča te otkrivinel ki dunjaja! Primetin ko so dikhela o čhavo hem de odoleske lafia. Otkrivinen sa soj tano vozbudljivo, baro hem tikno!
- Panda akana tumaro čhavo kerela tuja lafi prekal grimase, zvukia hem dvižibe.
- Panda hari tumaro čhavo ka podžinel te guginel zvukoja sar te phene ka vakerel o lafia *da-da* hem *ta-ta*.
- Postepeno tumaro čhavo ka haljol o izrazia dikh hem o lafia *daje* hem *dade*.
- Tumaro čhavo mangela te kerel tumencar lafi, te kjelel titut hem te sledinel o ednostavno kelibe gilen-car.

## Ker lafi taro sa

Ker lafi tle čhavea taro sa so ovela hem so astarela tle čhaveskoro interes. Ker lafi bašo o hajbe, šea, so dikhena hem so kerela o čhavo. Šun aktivno e čhave, či te ovel ole kjeji te kerel lafi. De dovolno vakti!

## Varirin hem vaker pale

Palevaker e čhaveskoro zvuko, pogodin so značnela hem čhiv lafia ko odova. Adžiker dok o čhavo odgovorinela zvukoja ja dvižibaja angleder te prodolžine. O čhavo več akana sikljola e vakeribaskoro redo hem te haljol i vrska maškar o lafi hem o predmetia.

Ov pazlivo ko so zainteresirinelape tlo čhavo. Ko angunipe o interes tano tikno ama ko vakteskoro teko e čhaveskiri sposobnost fokusiribaske ka bajrol.

## Kjel e čhibjaja

Giljav gilja, rima hem ramka hem kjel gilencar. Koristin tle naja, parmakia, svirkin, brbrin hem šalin tut! Ki tli biblioteka šaj te pozajmine lila, gilja hem muzika.

## Ker lafi-drabar barabar


Keda o čhavo šaj te sledinel tlo dikhibe hem e naeskiri nasoka tegani o lil sikavibaja ka ovel šukar pendžardo. Sikav hem vaker e slikendar. Ov pazlivo ko so zainteresirinelape tlo čhavo. Ko angunipe o interes tano tikno ama ko vakteskoro teko e čhaveskiri sposobnost fokusiribaske ka bajrol.

## Vaker tle dajakiri čhib

Ker lafi, giljav hem drabar ki tli dajakiri čhib. Pobut čhave ki dunjaja dživdinena ki pobut čhibjakiri sredina, hem isi sade prednostia te bajrolpe pobuteder čhibjen-car.

## Dodžan pobut

- Drabar pobut bašo Bokstart akate: [www.bokstart.se](http://www.bokstart.se)
- Te sian sekirimo bašo tle čhaveskoro čhibjakoro buvlipa, šaj te obratine tut ki Čhavengiri dispanzeria. Isto šaj te diskutirine tle čhaveskoro čhibjakoro buvlipa e personale ki gradinka.



# E čhaveskiri čhib taro ca 1 berš

## Hari baši tle čhaveskiri čhib taro 1 berš

- O čhavo koristinela gestia hem zvukia či te vakerel tuke diso.
- O anglune lafia tane bašo akate hem akana, sar *topka*, *medo* hem *dikh*.
- Tlo čhavo haljola pobut lafia nego so šaj te vakerel olen ama ka valjani oleske tli pomoč te tumačinel hem te komentirinel.

## Dža palo te čhaveskoro interese

Šaj te koristine sa so dikhena hem so kerena diveskoro bajraribaske e čhaveskiri čhib. Čhiv lafi ko sa so o čhav primetnela baš akana. Keda o čhavo vakerela *da*, hem sikavela ki jekh pisika, šaj te odgovorine: *Oja, odoja tani jekh pisika. Mangea e pisika?* Ma te bistre te adžikere dok o čhavo odgovorinela.

## Ov pazlivo hem šun

Keda e čhaveske ka de bidelimo paziba hem šunea pazlivo, o čhavo ka haljol so o haberi tano importantno, ja o čhavo vakerela jekh lafi, sikavela ja ko disavo čani vakerela tuke diso. Taro tle odgovoria o čhavo sikjlola e vakeribaskoro redo.

## Kjel e čhibjaja

Giljav gilja, rima hem ramka hem kjel gilencar. Koristin tle naja hem parmakia, svirkin, brblin hem šalintu!

## Izvodin hem vaker

Vaker so kerela e čhaveskoro medo ja kote ka vozinel o avtobusi. Vaker kotar e familiakere slike hem doslajra. O čhavo valjani te šunel neve lafia pobut far, ko razno konteksti.

## Drabar polesno lila slikencar

Akana šaj te podžine te koristine lila slikencar. Ko angluno dikhena o slike hem sikavena barabar. Pokolaj keda tu ka vakere, a ponodori o čhavo šaj te šunel e lileskoro teksti. Ki tli biblioteka isi predlogia lilenge so šaj te pozajminenpe khere.

## Vaker tle dajakiri čhib

Ker lafi, giljav hem drabar ki tli dajakiri čhib. O pobut čhave ki dunjaja dživdinena ki pobut čhibjakiri sredina hem isi sade prednostia te bajrolpe pobuteder čhibjencar.

### Dodžan pobut

- Drabar pobut bašo Bokstart akate: [www.bokstart.se](http://www.bokstart.se)
- Te sian sekirimo bašo tle čhaveskoro čhibjakoro buvlipa, šaj te obratine tut ki Čhavengiri dispanzeria. Isto šaj te diskutirine tle čhaveskoro čhibjakoro buvlipa e personale ki gradinka.

E Državakere godidejba kulturake isi nalog tari vlada te unapredinel o drabaribe hem te stimulirinel e tikne čhavengoro čhibjakoro buvlipa. O Bokstart tano jekh nacionalnikano uložibe so obratinelape ko dada/daja hem ko avera phureder manušenge paše uzo o čhave.

**KULTURÅDET**

# Bokstart



# E čhaveskiri čhib taro ca 18 masek

## Hari baši tle čhaveskiri čhib taro 18 masek

- But čhave ko akala berša haljona skoro 200 sakodiveskere lafia.
- Korkoro o čhavo koristinela disave lafia, ama o lafia šaj te značinen but buča ko razno konteksti.
- Disave čhave podžinena te spoinen lafia, ko misal *mama vrda ja vau-vau okori*.

## Keren but lafi jekh averea

Keren lafi bašo so kerena ko različno situacie. Vaker e čhaveske so ovela hem čhiv lafia odoleske so kerena. Šun šukar so mangela o čhavo hem sar gindinela. De tle čhaveske dovolno vakti.

## Keren lafi – drabar barabar

E čhave isi kefluko taro but različno lila kolencar šaj te keren lafi jekhe averea. Puč phravdo pučiba bašo odova so ovela ko lil hem povrzin ko čhaveskoro iskustvo: *So gindinea...? Dea tut godi ...?*

## Vaker tle dajakiri čhib

Vaker, giljav hem drabar ki tli dajakiri čhib. Pobut čhave dživdinena ki pobut čhibjakiri sredina, hem sade tano pozitivno te bajrolpe pobuteder čhibjencar.

## Potvrđin hem buvljar so vakerela o čhavo


Keda ka koristine e čhaveskere lafia hem ka do-daine neve, ka de dumo e čhaveske te buvljarel pli čhiv. Te o čhavo vakerela "namnam", šaj te vakere: Oja, odova tano hajbe hem akana amen ka haro maro. Keda tlo čhavo vakerela mau namesto pisika nae odova biobično akale beršenge. Ma popravim e čhave nego korkori koristin o lafi pisika hem o čhavo ka šunel sar valjani te zvučinel.

## Spoin ke čhaveskiri dunjaja

Pokojal ka sikljove neve buča te spoinđan ko diso so o čhavo več džanela. Te dikhlen jekh slika taro pantolke, šaj te sikave ko čhaveskere pantolke hem te vakere: Hem tut isi pantolke sar e čhave ki slika.

## Dodžan pobut

- Drabar pobut bašo Bokstart akate: [www.bokstart.se](http://www.bokstart.se)
- Te sian sekirimo bašo tle čhaveskoro čhibjakoro buvlipa, šaj te obratine tut ki Čhavengiri dispanzeria. Isto šaj te diskutirine tle čhaveskoro čhibjakoro buvlipa e personale ki gradinka.



# E čhaveskiri čhib taro ca 3 berš

## Hari bašo tle čhaveskiri čhib taro 3 berš

- But čhave akana haljona pobuteder lafia. Ola podžinena te spoinen lafia ko lafjora hem podžinena te vakeren tikno mohabeti.
- O čhavo but pučela hem podžinela te haljol sar koristinenape o lafia hem so šaj te kjelel olenar.
- Tlo čhavo podžinela te vakerel disostar so dodživdindža hem mangela te šunel keda tu kerea lafi.

## E šabdengoro hem e lafengoro primetiba

Ko angluneškolakere berša but čhave tane radoznalo bašo šabde hem lafia. Drabar hem sikav o tablice hem pakovke keda tlo čhavo sikavela interes. Isto barabar primetinen o znakia hem simbolia maškar tumende hem vaker so značinenena.

## Haljovker neve lafia

Koristin neve lafia keda diso nevo ovela ja so dikhena diveskoro. Haljovker o lafia so o čhavo na haljola: o derjav tano sar jekh ezero, ama pobaro. Ja: keda džaja ki plaža, amen nandžovaja ko derjav.

## Ker lafi

Vaker so ulo diveskoro. Sledin diso so šundžan ja dikhljan so o čhavo kerdža ki gradinka hem kanin e čhave te vakerel pobut odolestar.

Pobut trineberšengere čhave na izgovorinena sa o lafia sar amen o phureder. Keda šunea jekh lafi so zvučinel a verčhane šaj te izgovorine ole korektno hem o čhavo ponodori ka vakerel ole točno.

## Drabar barabar

Ker sar jekh navika te drabaren pohari sako dive. Sakone čhave isi omileno lil so mangela te drabarelpesoro vakti. O lila slikencar šaj te saikeren pokomplicirime paramisia ama pale važinela vakerebe-drabaribe.

Nudin ko muhabeti bašo so kerelape lafi ko lil hem ohrabrin e čhave te pučel telo drabaribaskoro vakti. Keda o čhavo pučela, ačov, šun hem gindinen barabar.

De tut godi so o kjelibe tano e čhaveskoro čani te sikljol. Odoleske, kjel, drabar, giljav hem vaker barabar. Tikne gilja dena tut merako. Te drabarelpelila tano hemšukar čani te sikljovelpe neve lafia!

## Vaker tle dajakiri čhib

Vaker, giljav hem drabar ke tle dajakiri čhib. Pobut čhave dživdinena ko pobut čhibjakiri sredina, hem sade tano pozitivno te bajrolpe pobut čhibjencar.

### Dodžan pobut

- Drabar pobut bašo Bokstart akate: [www.bokstart.se](http://www.bokstart.se)
- Te sian sekirimo bašo tle čhaveskoro čhibjakoro buvlipa, šaj te obratine tut ki Čhavengiri dispanzeria. Isto šaj te diskutirine tle čhaveskoro čhibjakoro buvlipa e personale ki gradinka.

E Državakere godidejba kulturake isi nalog tari vlada te unapredinel o drabaribe hem te stimulirinel e tikne čhavengoro čhibjakoro buvlipa. O Bokstart tano jekh nacionalnikano uložibe so obratinelape ko dada/daja hem ko avera phureder manušenge paše uzo o čhave.

**KULTURÅDET**

# Bokstart